

S LO

Afl. 1.25

BRIYANDO FUERTE • TRECIENDO CLARIDAD
DIARANZON 15 MEI 2024

Di Pueblo

**DIASABRA, 8 DI JUNI
PROXIMO, ARUBA LO
ENFRENTA CORSOU DEN FIFA
WORLD CUP QUALIFIERS DEN
STADION GPT NA DAKOTA**



WWW.SOLODIPUEBLO.COM



SOLODIPUEBLO@GMAIL.COM

RELACIONA CU INVESTIGACION DI DROGA POLIS A DETENE HOMBER NA AIRPORT



DEN CASO AVESTRUZ DEN APELACION

Benny Sevinger
a confirma di a
haya donacionnan
di comerciante pa
campana y a duna pidi
tereno pa haci proyecto



ENCUENTRO CU DIRECTOR EHECUTIVO DI IMF DURANTE REUNION DI MINISTERRAAD

IMF ta indica cu Aruba tin un desaroyo
positivo y impresionante



DESPUES DI ALGUN DIA SIN MIR'E DAMA A BATI ALARMA, HOMBER ENFERMO DI 75 AÑA HAYA SIN BIDA DEN APARTAMENTO



HUES A ORDENA PA FUNDACION DUCAPRO Y Q-WAVES BOLBE NEGOSHA



Minister Maduro di Finansa ta informa:

PARLAMENTO A RICIBI E NOTA DI COMIENSO DI AÑA 2024 DEN CUAL TA INDICA E CAMBIONAN DEN MANEHO CU A PRESENTA

Pronto lo presenta un cambio di Ley di Presupuesto 2024



Recientemente Minister Maduro di Finansa a haci entrega di e 'Nota di Comienso di Aña 2024' na Parlamento. E Nota aki ta duna Parlamento un bista mas tempran di e cambionan den maneho cu a tuma luga y cu lo tin mester aprobacion di Parlamento. Esaki ta e di dos biaha cu Minister Maduro ta presenta un Nota di Comienso di Aña na Parlamento.

Nota di Comienso di Aña Na aña 2023 tabata prome biaha cu Minister Maduro di Finansa a haci entrega di un Nota di Comienso di Aña na Parlamento. Te cu aña 2022, Aruba tabata conoce solamente un 'Najaarsnota' cu ta un 'Nota di Fin di Aña' den cual Parlamento despues di mita di e aña coriente ta wordo informa di e cambionan den su Presupuesto aproba y basa riba esaki Minister di Finansa ta presenta un Presupuesto Suppletorio den cual ta pidi Parlamento pa duna aprobacion si tin cambionan cu a tuma luga. Desde 2023, Minister

di Finansa ta presenta tambe un 'Voorjaarsnota' den cual na comienso di aña caba ta presenta e cambionan den e Nota di Comienso di Aña y hunto cu esaki ta presenta un Presupuesto Suppletorio pa Parlamento por aproba.

Cambionan proponi Den e Nota di Comienso di Aña 2024 presenta na Parlamento di Aruba, Gobierno ta adapta e cifranan di entrada na e ultimo crecimiento economico conforme e ultimo prognosis haci pa Departamento Economico cu ta indica cu e economia di Aruba lo crece cu 3% den aña 2024. Banda di esaki, den e Nota por mira pa cada ministerio kico ta e cambionan den maneho ta encera y ki cambio den e cifranan mester tuma luga pa haci esaki posibel. Den e Nota por mira cu tin un suma extra di impuesto cu a wordo genera cu por wordo destina pa realisa proyectonan manera, entre otro, Delta Plan Ouderen, trabounan na Parke Curason, Palo Marga, Stadion Guillermo Prospero Trinidad, Leerorkest, Loket Plan di Mayor, Indexering pa empleado publico, y pa renobacion di Cas di Cultura. Tambe tin fondonan cu Aruba ta haya di Hulanda pa asina por hiba acabo proyectonan di Landspakket, manera e Huisartsenopleiding, cu tambe mester keda integra den Presupuesto 2024.

Presupuesto Suppletorio 2024 E mandatario di finansa ta informa cu mientrastanto Consejo di Minister a bay di acuerdo pa e cambionan proponi den e Nota di Comienso di Aña 2024, wordo hinca den un Presupuesto Suppletorio cu a wordo manda pa Raad van Advies pa conseho despues cu CAFT a duna su opinion. Di eynan e Ley

lo sigui cana su caminda pa por keda presenta na Parlamento di Aruba pa su tratamiento y aprobacion.

Mas Transparencia Presupuestario Minister Maduro ta acentua cu e uzo di e 'Voorjaarsnota' of 'Nota di Comienso di Aña' den e ciclo presupuestario di nos Pais, ta brinda Parlamento informacion

presupuestario na mas momento den un aña. Di e manera aki Parlamentopar sigui e desaroyo di gasto y entradanan durante aña mas di cerca. Esaki sigur ta yuda Parlamento di Aruba den su derecho di 'budgetrecht' y ademas ta brinda mas transparencia na Pueblo riba con e fondonan publico ta keda uza pa Gobierno.

Voorjaarsnota 2024

behorende bij de eerste begrotingswijzigingsvoorstellen aangaande dienstjaar 2024

1. Introductie

Met de Voorjaarsnota van dienstjaar 2024 (VJN 2024) krijgen de Staten van Aruba in het voorjaar¹ al op hoofdlijnen zicht van de informatie over voorgenomen begrotingswijzigingsvoorstellen van het zittend kabinet op de in het vorige jaar vastgestelde begroting van 2024, welke aan actualisatie toe is sinds zijn vaststelling in december 2023. Deze wijzigingsvoorstellen zijn gebaseerd op onder andere de meest recente voorlopige realisatiecijfers van 2023, actualisaties van de economische vooruitzichten en of verschuivingen in (meerjarige) beleidsaccenten. Het eerder delen van deze informatie, vooruitlopend op het ontvangen van de concept-1^{ste} suppletoire begroting, versterkt het budgetrecht van de Staten door op tijd invloed te kunnen uitoefenen op de stand van de begroting, evenals het publiek debat aan te gaan over de in deze nota gepresenteerde begrotingswijzigingsvoorstellen. De VJN 2024 is dus vooruitlopend op de 1^{ste} suppletoire van begroting 2024². Tevens zullen de Raad van Advies en het College Aruba financieel toezicht (CAFT) een afschrift ontvangen van deze voorjaarsnota.

2. Economisch beeld voor 2024

In januari 2024 heeft de Directie Economische Zaken van Handel en Industrie (DEZHI) haar herijkte prognoses voor het jaar 2024 uitgebracht³. Volgens de laatste publicatie van DEZHI zal de Arubaanse economie in het meest waarschijnlijke scenario, nominaal groeien met 3,0%⁴. Dit betekent een nominaal bruto binnenlands product (bbp) van Afl. 7025 miljoen, wat een verbetering van Afl. 197 miljoen is ten opzichte van de prognose van mei 2023. Ook het Internationale Monetair Fonds (IMF) verwacht dat de Arubaanse economie in 2024 de grens van Afl. 7 miljard zal overstijgen: in haar World Economic Outlook van oktober 2023 geeft het IMF een nominale bbp-prognose ter waarde van Afl. 7081 miljoen weer⁵.

¹ Einde 1^{ste} kwartaal van het lopend dienstjaar.

² Het concept 1^{ste} suppletoire zal conform het voorgeschreven wettelijk proces, eerst twee weken bij het CAFT zijn voor toetsing en vervolgens vier weken bij de RvA. Vervolgens zal het concept op basis van beide adviezen bijgesteld worden (kan 1-2 weken duren), alvorens de Staten van Aruba het ontwerp ter behandeling kan ontvangen.

³ <https://www.deaci.aw/wp-content/uploads/2024/01/FINAL-ECONOMIC-OUTLOOK-11-01-2024-1.pdf>

⁴ In het optimistische en conservatieve scenario's projecteert de DEZHI nominale groeierwachtingen van respectievelijk 3,9% en 1,8%.

⁵ <https://www.imf.org/en/Publications/WEQ/Issues/2023/10/10/world-economic-outlook-october-2023>

Minister Endy Croes:

DIASABRA, 8 DI JUNI PROXIMO, ARUBA LO ENFRENTA CORSOU DEN FIFA WORLD CUP QUALIFIERS DEN STADION GPT NA DAKOTA



O R A N J E S T A D : Recientemente, durante conferencia di prensa, Minister di Enseñansa y Deporte Endy Croes hunto cu presidente di Arubaanse Voetbal Bond (AVB) Sr. Randolph Lacle, Sra. Dyane Wiersma y Sr. Raymbert Bikker di AVB a anuncia oficialmente cu e wegá clasificativo di CONCACAF lo tuma luga dia 8 di juni proximo den Compleho Deportivo Guillermo Prospero Trinidad, unda cu Selección di Aruba lo enfrenta e Selección di Corsou.

E interes pa FIFA World Cup Qualifiers ta hopi grandi, tanto nacional-como internacionalmente. Recientemente, a haya bishita di e

representantenan di CONCACAF cu a bin wak con e trabounan ta andando den stadion Dakota y a laga un lista di posibel factornan cu mester atende. A inverti mas di 5 miyon florin den renobacion di stadion na Dakota pa cumpli cu e standardnan di FIFA y CONCACAF.

Despues di e wegá tan spera aki dia 8 di juni, lo cera e stadion bek pa finalisa cu e trabou di renobacion. Sra. Wiersma a indica cu nan ta trahando duro pa haci e partido aki uno exitoso. Tambe a informa cu lo tin un pre evento, den cual lo duna mas detaye durante siman a traves di nan medionan social. Fuera di

esaki, Sr. Bikker a indica cu tanto prensa di Aruba, Corsou y Hulanda tin un interes hopi grandi den e wegá aki. Durante siman lo comparti un flyer, unda cu tur prensa por registra pa nan haya un badge pa cubri e wegá. Sr. Bikker a

sigui bisa cu no lo permiti pa trasmiti e wegá en bibo, mirando cu tin un derecho di transmision mara na esaki. Ticket pa entrada ta disponibel caba riba Pay.aw, na Urataka Center y Citgo na final di Caya Grandi.

Minister Endy Croes y AVB ta invita Pueblo di Aruba pa bin apoya nos Selección Masculino di Aruba dia 8 di juni proximo, cuminsando 8 or di anochi den FIFA World Cup Qualifiers den Stadion GPT na Dakota.

1 JUNI 2024

FESTIVAL DI CANTO

DERA GAY

BAN APOYA NOS MUCHANAN Y HUNTO NOS TA CANTA "DERE GAY DERE GAY"

| | |
|--|--|
| <p>CATEGORIA</p> <p>5 - 7 AÑA</p> <p>7 - 9 AÑA</p> <p>10 - 12 AÑA</p> | <p>PREMIO</p> <p>GANADOR ABSOLUTO FL.500,=</p> <p>SEGUNDO LUGAR FL.250,=</p> <p>TERCER LUGAR FL.150,=</p> |
|--|--|

ORARIO: 6:30 PM - 11:30 PM
 LUGAR: CENTRO DI BARIO BRAZIL
 ENTRADA: FL.10,= PA ADULTO

ENTRADA PA TUR MUCHA TA GRATIS!

OBJECTIVE
REALTY ARUBA

**DEPARTAMENTO
DI CULTURA ARUBA**


BO YU KIER PARTICIPA?
 TEL: 564 6099 POR INSCRIBI TAMBE NA EMAIL: FUPROCUNO2@GMAIL.COM

RELACIONA CU UN INVESTIGACION DI "TEAM DRUGSPANDEN" DI POLIS DETENCION REPENTINO A CAY NA AIRPORT



Diadomingo atardi a bay na airport pa cu un investigacion Mucho detayes nan no cay y awor lo sigi cu e algun oficial di e Team asina nan detene un andando. kier a duna pero hecho investigacion. Drugspanden di polis sospechoso relaciona ta cu e detencion a

POLIS A DETENE YIU CU NET RIBA DIA DI MAMA A BRINGA, MENASA Y MALTRATA FAMIA NA NOGUERA STRAAT



Diadomingo atardi a drenta informe di un bringamento na Noguerastraat, mesora a dirigi 2 patruya na e sitio. Na yegada di e patruyanan mesora a detene e agresor aki cual tabata falta respet y insulta apart di a dal, menasa y agredi famia net riba dia di mama.



Clasificados

SOLODIPUEBLO@GMAIL.COM
CEL. 585 9500

MINISTER MADURO DI FINANSA A RICIBI BISHITA DI EXECUTIVE DIRECTOR DI IMF SR. PAUL HILBERS

Dialuna merdia Minister Maduro di Finansa a ricibi bishita di e Executive Director di IMF sr. Paul Hilbers kende ta na Aruba pa hiba reunion cu e mandatario encarga cu finansa, Consejo di Minister y ehecutivonan di Banco Central cu ta den contacto cu IMF. Tabata un reunion ameno den cual a repasa e trabounan cu IMF a bin ta yuda Aruba cune den forma di evaluacion financiero y economico den forma di Article IV Mission y asistencia tecnico riba diferente tereno cu a yuda capacita, fortifica y profesionalisa e gobernacion di nos Pais. E ultimo añanan Aruba a bin ta ricibi hopi asistencia tecnico cu a keda brinda door di IMF via CARTAC cu ta nan centro di asistencia tecnico pa e region di Caribe. Asina por menciona asistencia tecnico na Departamento

Economico pa 'update' e modelo macro economico MARUBA y asistencia tecnico na Departamento di Estadistica pa valida e cifranan di Cuentanan Nacional di Aruba, cu ta proyectonan cu a yuda Aruba grandemente specialmente durante di pandemia pa por a haci calculonan economico hopi aserta cu tabata necesario pa calcula e daño, pero tambe pa por a haci pronosticonan pa e recuperacion economico di nos Pais. Banda di esaki IMF a yuda cu asistencia tecnico na Departamento di Aduana pa asina por facilita e servicio di carga na comunidad. Desde aña 2019 Departamento di Impuesto tambe a conta cu e yudansa di IMF pa reformanan fiscal cu a tuma luga y dentro di poco lo bolbe ricibi asistencia pa por sigui capacita y profesionalisa e servicio

brinda na comunidad. Cu asistencia tecnico di IMF tambe a haci cambianan importante den e maneho presupuestario di Pais Aruba cu ta hiba cu awe nos ta conoce presupuestonan entrega na ora y cu ta contene surplus. IMF ta yuda Banco Central tambe cu e guia necesario pa sigura e estabilidad monetario y financiero di Aruba.

Minister Maduro na final di e reunion a gradici sr. Hilbers pa su bishita y a presenta un bunita recuerdo como muestra di gratitud pa e asistencia continuo ricibi di e staff di IMF.

Hunto cu IMF trabounan importante a wordo haci cu ta sigura e estabilidad financiero di Aruba y ta yuda crece e credibilidad financiero di Aruba den wowo di inversionistanan.



POLIS A DETENE CHAUFFEUR BURACHI CU A CORE DEN VERBODEN Y A BAY DAL AUTO DEN AVENIDA ALO TROMP



Diadomingo anochi a dreña informe di un accidente y tin hende ta agrediendo e chauffeur na Avenida Alo Tromp, mesora a dirigi un patruya

na e sitio. Na yegada di e patruya a bin compronde cu e chauffeur di un Hyundai Getz a bini for di pariba den Avenida Alo Tromp y a pasa dal un Suzuki Swift staciona banda di caminda. Esnan

cu a ira e accidente mesora a acerca e chauffeur y tabata reclam'e kiko su buracheria a pone ocasiona. Polis mesora a interveni y a detene e chauffeur y a bay warda di polis cun'e.

HACI PAGO DI ABONEMENT ONLINE

TA POSIBEL:

APRECIABLE CLIENTELA, SI BO TA DESEA DI HACI E PAGO DI ABONEMENT ONLINE, E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

DI ANTEMANO,
MASHA DANKI.

SOLO DI PUEBLO



BEST FIGHTERS DI CAS BON TAEKWONDO CUP



Diasabra ultimo a tuma
luga Cas Bon Taekwondo
Cup organisa pa Brazil
Taekwondo Stichting den
Centro di Barrio Brazil.
Atletanan den categoria
Infantil, Cadet, Junior y
Senior a bringa y e publico
presente por a mira un
bon

nivel di Taekwondo den
Cas Bon Taekwondo Cup
2024.

Durante e evento e
comision tecnico a scoge
e atletanan cu a mostra cu
nan ta bon bringado.

Den categoria Infantil
Tamara Erasmus y



Rayshawn Nicholson a sali
best female y male fighter.
Den categoria Cadet
Jethro de L'Isle y Eva
Hernandez a sali best
male y female fighter.

Den categoria Junior
William Constant y Jewell
Illidge a sali best male y
female fighter.

Den categoria Senior e
comision tecnico no a
scoge niun atleta.

Master Clifford Rasmijn
ta gradici e comision



tecnico cu a scoge e miho bringadonan.

UN APELACION, NOS CU TA HACI UZO DI PARKE CURASON TA DESEA UN SOLUCION HOPI LIHE PA CU E SITUACION DESAGRADABEL AKI

Riool di e casnan di pueblo di Jaburibari ta bay over y ta core den cura di Parke Curason, net riba e e caminda unda hende ta cana

ESAKI TA ALGO CU TA SOSODIENDO PA MAS DI 10 AÑA CABA Y NADA NO TA WORDO HACI



Jaburibari: Pa mas di 10 aña esnan cu ta bishita Parke Curason pa haci deporte, constantemente ta wordo confronta cu e situacion hopi desagradabel aki, net unda hende ta cana, muchanan ta core bais, awa di riool di e casnan di Pueblo di Jaburibari ta pasa. E pos principal di e casnan aki ta net pariba di e cura di Parke Curason y ta parce cu e no ta wordo chika suficiente y constantemente e awa di riool ta bay over y esaki ta core bay riba e tereno di Parke Curason.

Parke Curason no ta djis un bunita proyecto, pero tambe tin un cancha di Voetbal, cu a wordo traha pa e fundacion di Johan Cruyff. E parke ta wordo hopi usa pa esnan cu kier cana y haci ehersicio. Mayoria di hende den oranan di mainta ta personanan grandi cu hopi biaha riba conseho di Dokter ta bay eyden pa cana libremente y trankil



pa mehoracion di nan salud.

Tambe tin muchanan chikito cu ta bin cu nan mayornan pa core bais, of simpelmente hunga un rato. Hobennan ta bishita e parke pa cross cu nan bais, core skateboard of hunga un partido di voetbal, riba Cruyff Court Denzel Dumfries. E ta un lastima pa un compleho grandi y bunita asina, unda pueblo por practica un di e deportenan gratis, ta haya nan confronta cu molester di awa di Riool.

Diabierna mainta atrobe

awa di riool a bay over y manera semper ta core pasa riba e caminda di cana. Esaki ta algo hopi desagradabel, paso bo tin cu pasa cu bo sapato di train den e awa sushi. Tambe por a mira hende cu wandelstok ta cana y cu mester pasa den e awa fies aki.

Un mama cu dos yiu chikito a bin mainta cu nan bais y step pa nan hunga un rato, pero no a keda ni 10 minuut nan a bay, paso e awa ta hole fies y e muchanan chikito a pasa cu nan bais y step den dje. Algun mucha

homben hoben riba e dia liber di scol aki, a dicidi di bay hunga voetbal den e prestigioso cancha Cruyff Court Denzel Dumfries.

Awa di riool di varios cas sigur no ta algo higienico y nos no sa kiko tur cada ken den e casnan aki ta flush of ta manda den e pos aki. Nos no sa ki bacteria por tin den e awa aki.

Nos no sa ken ta responsabel, den parke nos a scucha cu e compania cu mester chika e pos aki, no lo ta chik'e suficiente y pesey constantemente e awa ta bay over. Di otro banda si e compania no ta haci esaki bon, di hopi tempo caba mester a busca un otro anto, na Aruba tin un lista largo di companianan cu tin e servicio di septic tank.

E ta un situacion hopi desagradabel, pa tur hende cu ta desea di haci deporte den un lugar cera y safe, paso enberdad tin hopi caminda pa cana

pero wak kiko a sosode na Linnearpark algun tempo atras, un chauffeur a hit and run un dama cu den oranan di mainta tabata cana. Tin Watty Vos Boulevard, tin Ser'i Teishi, pero e walkway pa cana ta hopi cerca di caminda grandi. Esaki sigur por ta peligroso, pasobra un auto por perde control baha caminda y subi e caminda di cana. E sitio mas sigur pa cana ta keda Parke Curason, vooral ora di bay cu mucha of hende grandi di edad, paso e parke ta full cera y tin trahado eynan constantemente cu ta tira bista.

Nos no sa ken ta responsabel pa e pos cu constantemente ta bay over, pero nos ta haci un apelacion grandi por medio di e articulo aki, pa por fabor busca un solucion a corto plazo cu e situacion desagradabel aki. E ta molestia nos tur cu casi tur dia ta haci uzo di e compleho deportivo Parke Curason.

Minister Ursell Arends:

ARUBA SU DEPARTAMENTO DI AVIACION CIVIL TA FIRMA ACUERDO CRUCIAL DI ENTRENAMIENTO CU ICAO

Ministerio di Transporte ta orguyoso pa anuncia firmamento di dos acuerdo significativo di entrenamiento cu International Civil Aviation Organization (ICAO). E acuerdonan aki a wordo firma dia 1 di mei 2024 durante e “Global Implementation Support Symposium” cu a tuma luga na Republica Dominicana.

E acuerdonan a wordo firma door di Sr. Juan Carlos Salazar, Secretario General di ICAO, y Sr. Edwin Kelly, Director di Departamento di Aviacion Civil di Aruba. Como testigo di e firmamento a fungi Sr. Salvatore Sciacchitano, Presidente di Consejo di ICAO, Sr. Ursell Arends, Minister di Transporte, Integridad, Naturalesa y Asuntonan

di Adulto Mayor y Sr. Christopher Barks, Director Regional di ICAO pa Norte-America, Centro-America y Caribe.

E prome acuerdo ta un acuerdo general di entrenamiento, cu ta habri e porta pa diferente entrenamiento tecnico y operacional wordo duna door di ICAO na Aruba, tanto den forma fisico como den forma online. E segundo acuerdo ta un acuerdo di entrenamiento specifico tocante evaluacion y supervision di sistemanan di gestion di seguridad operacional (“Safety Management System”). E entrenamiento specifico aki, ICAO lo duna fisicamente na Aruba pa personal tecnico di Departamento di Aviacion Civil.



Cu esaki Gobierno di Aruba, en particular Minister di Transporte, Integridad, Naturalesa y Asuntonan di Adulto Mayor ta duna contenido

na su compromiso pa inverti den personal di Departamento di Aviacion Civil di Aruba pa asina garantis cu e Departamento aki lo

por sigui cu su trabou importante pa asegura seguridad di Aruba su transporte aereo, di cual nos turismo ta depende asina hopi ariba.

ACCION DI POLIS DEN CAYA MAS CONOCI DI TARABANA

Mandolinstraat - Dialuna anochi un biaha mas un di e cayanan mas cayente di Tarabana tawata den noticia, esta Mandolinstraat.

Un cas bon conoci pa polis a wordo rondona pa polis, debi cu nan lo a haya informacion cu tin un auto

horta scondi parti patras di e cas.

Pa ningun hende por huy a opta pa rondona e cas.

Polis a drenta e cas, cu por bisa ta practicamente full habri y a bin topa cu un Hyundai color cora scondi, y tambe dos mata

di marihuana y restonan di un scooter.

Un homber cu boca grandi no kier a sigui ordo di polis mester a wordo trata cu forza, unda tawata mester varios agente pa e domin'e. E la keda deteni.

Pues dialuna anochi,



habitantenan por a mira accion di polis den e caya mas conoci te awor

den Tarabana cu ta Mandolinstraat.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



DEN CASO AVESTRUZ DEN APELACION

Benny Sevinger a confirma di a haya donacionnan di comerciante pa campana y a duna pidi tereno pa haci proyecto

ORANJESTAD – Awe mainta Corte Superior a sigui cu e interrogacionnan cu sospechosonan a pidi den e caso apelacion Avestruz.

SOLO DI PUEBLO por a compronde cu Benny Sevinger a confirma declaracion di Curt Harms, cu el a haci donacion na Fundacion Curason Berde y cu Harms a pidi y haya tereno pa haci proyecto.

TESTIGO FOWLER NO A PRESENTA

Awe mainta mester a interroga e testigo Fowler den e apelacion di Benny Sevinger. Esaki lo mester a sosode via video conference pero Hues Comisario na Hulanda via videoconference a informa Hof di Corte Superior cu Fowler no a presenta. Despues di dialogo den sala di Corte entre Hof, abogado mr. Illes cu tin e preguntanan pa haci y Procurador General, a keda palabra cu lo laga Fowler duna contesta riba e preguntanan via mail.

BENNY SEVINGER Merdia a sigui cu e interrogacion di Benny Sevinger den e apelacion di Curt Harms. Abogado mr. Carlo acompaña pa un abogado femenino Hulandes van Kampen, kendenan ta representa Curt Harms, a haci preguntanan. Abogado mr. Illes tabata hunto cu Benny Sevinger. Ta asina cu mr. Carlo a haci e preguntanan. Despues cu Benny a hura, Hues a mustre riba su obligacion di papia e berdad. Pero como sospechoso, e por haci uso di derecho di silencio ora Benny sinti cu

e ta perhudica su mes.

E abogado a muestra cu Benny a declara na Landsrecherche cu e como minister tin un rol importante pa economia di Aruba y a duna hopi tereno. Benny a splica den Corte cu e tempo ey, 2009, mundial tabata tin crisis y hunto cu Hulanda Gobierno a planea pa stimula economia. Den di dos periodo a stimula economia via sector priva. Benny a bisa Hof cu Gobierno a bin cu “one stop shop” caminda comerciantenan por bay y hayatur informacion y haci peticionnan. Abogado mr. Carlo a muestra cu Abath a declara cu Gobierno a intensiva dunamento di tereno pa sector priva pa proyectonan. Benny a bisa cu a ehecuta e plan Bo Aruba, caminda a realisa 108 proyecto y cu ainda tin proyecto andando. Benny a bisa cu di acuerdo cu e plan caminda hasta Hulanda tabata involvi, a duna tereno pa comerciantenan inverti.

CURT HARMS A HAYA TERENO PA PROYECTO

Na 2010 a cuminsa cu e proyectonan. A sinta cu Curt y Lionel Harms pa traha un hotel den centro di Oranjestad, banda di ex Bon Bini Bazaar. Na 2010 Harms a bishita Promer Minister pa realiza proyecto pa un tereno cu el a haya for di Gobierno anterior pero tin problema. Gobierno a pidi Curt pa haci proyecto den centro di Oranjestad, e hotel.

A HAYA DONACIONNAN DI HARMS

Riba pregunta di mr. Carlo, Benny a bisa cu e

no conoce e companianan Minero, Marlyn, Island Estates y no tabata sa cu nan a haci donacion na Fundacion Curason Berde, cu ta e fundacion di Benny pa campana. Ariba preguntanan di mr. Carlo, Benny a nenga di a pidi Curt Harms donacion pa Fundacion Curason Berde.

Despues Benny a bisa cu el a wordo bisa door di Harms cu lo yuda den campana pa eleccion pero no a papia di suma. Benny a bisa cu e unico manera pa yuda ta haci donacion na Fundacion Curason Berde. Abogado mr. Carlo a muestra riba declaracion di persona cu a bisa cu Benny tabata contra regularmente cuanto placa a drenta den Fundacion Curason Berde. Benny a desmenti cu e tabata controla cuanto placa a wordo dona.

A PIDI HARMS



DONACION

Hof a puntra si e grupo di campana di Benny lo a acerca Curt pa haya donacion. Benny a confirma esey. Hof a muestra cu tin declaracion di Harms cu ta bisa cu tin yamada di parti di team di Benny pa haci donacion.

Na dado momento

Procurador General a haci Benny pregunta riba sumanan di donacion na Fundacion Curason Berde.

El a puntra si 10 mil florin ta hopi. Benny a bisa cu e no sa kico ta hopi. Benny a bisa cu den campana ta bon bini.

Lista di sponsters di Benny a cambio 600 kamer di Hotel

Overzicht donaties van genoemde rechtspersonen aan Stichting FCB^{SA}

| | bedrag | Boekingsdatum FCB rekening |
|-------------------------------------|------------|---------------------------------|
| Pristine Estates NV | AWG 5000 | 10 september 2013 |
| | AWG 20.000 | 15 september 2017 |
| | AWG 10.000 | 21 september 2017 |
| | AWG 10.000 | 22 september 2017 ^{AS} |
| Milero Investments NV ^{SB} | AWG 1500 | 10 februari 2012 |
| | AWG 2500 | 21 juni 2013 |
| | AWG 25.000 | 21 augustus 2013 |
| | AWG 2500 | 26 juni 2017 |
| The Merlin Group NV ST | AWG 15.000 | 3 september 2013 |
| | AWG 25.000 | 22 september 2013 |
| | AWG 25.000 | 18 november 2013 |

MINISTER GEOFFREY WEVER KIER INVITA PUEBLO PA ATENDE E SIMPOSIO DI ECONOMIA ORAÑO: EXPLORA E FUTURO DI INDUSTRIANAN CULTURAL Y CREATIVO

Aruba ta cla pa explora e potencial di su industrianan cultural y creativo (CCI) na e Simposio di Economia Oraño, plania pa 27 di mei, 2024, na The Hub at San Nicolas for di 13:00 pa 18:00 PM. E simposio tin como meta pa stimula dialogo tocante con e CCI por contribui na crecimiento y desaroyo sostenibel den e paisahe creativo di Aruba, ofreciendo un plataforma pa discusionnan informativo, oportunidadnan pa network, y colaboracion entre participantenan. Minister Geoffrey Wever tambe lo t'ey presente pa comparti su vision pa sostene e Economia Oraño na Aruba.

E Simposio di Economia Oraño ta un iniciativa di Ministerio di Asuntonan Economico, Comunicacion y Desaroyo Sostenibel y Aruba Investment Agency (ARINA), cu tin como meta pa stimula crecimiento y desaroyo di e industrianan cultural y creativo di Aruba (CCI).

Discusionnan Interactivo na Mesa Rondo
Discucionnan interactivo na mesa rondo lo explora aspectonan crucial di e CCI na San Nicolas, invitando aporte y ideanan di expertonan di industria y sector publico, empresarionan y publico general interesa pa duna rumbo na e futuro di e industrianan creativo di Aruba.



Ministro Geoffrey Wever a expresa su entusiasmo tocante e Simposio, bisando, "E evento aki ta marca un stap importante pa defini y promove Economia Oraño di Aruba. Nos ta ansioso pa discusionnan informativo,

colaboracion, y e visionan pa un futuro briyante pa nos industrianan cultural y creativo."

Segura Bo Lugar Awor!
Cuponan pa e Simposio di Economia Oraño ta limita, pues registra trempan pa

segura bo lugar.

Registracion ta habri awor riba e website di www.investinaruba.com. Pa mas informacion, tuma contacto cu: Zuleika Quant na z.quant@deaci.aw

HUES A ORDENA PA FUNDACION DUCAPRO Y Q-WAVES BOLBE NEGOSHA

ORANJESTAD – Awe mainta Hues a bolbe ordena pa DUCAPRO y Q-Waves negosha. SOLO DI PUEBLO por a compronde cu awe mainta den Corte, atrobe no por a yega na un areglo y Hues a ordena pa e dos partidonan bolbe sinta na mesa.
Dia 23 Februari 2024, Hues, despues di a purba negosha cu e partidonan, a pospone e caso pa e partidonan sinta na mes y pa inform'e 24 April 2024 di e resultado.
Ta asina cu e

negoshacionnan no a resulta y 24 April 2024, abogado mr. Kock di DUCAPRO a pidi Hues pa sigui cu e caso.
E caso sumario cu DUCAPRO a cuminsa contra Q-Waves ta pa Hues prohibi Q-Waves transmiti cancionnan na radio cu tin derecho di autor. Tratamento di e caso riba 23 Februari 2024 a dura bastante caminda Hues a intermedia pa mira si e partidonan lo por sinta na mesa y yega na un palabracion riba e tarifa


di pago. E partidonan ta encera tur e radio emisoranan di Aruba y DUCAPRO.
RADIONAN Y DUCAPRO MESTER NEGOSHA
Dia 23 Feburari 2024 durante tratamiento di e caso sumario, abogado mr. Sjiem Fat a bisa cu si DUCAPRO kier sinta na mesa pa yega na un areglo di tarificanan, Q-Waves ta dispuesto. Hues ta haya cu e solucion ta pa e partidonan sinta na mesa pa yega na un solucion. Hues ta haya cu mester sinta na mesa



cu tur radio emisoranan. El a puntra si Q-Waves tin un tarifa cu por stipula pa temporalmente, pendiente di e negoshacion pa yega na un areglo cu DUCAPRO. Q-Waves a bisa 250 florin pa luna como tarifa simbolico. Mr. Kock no ta di acuerdo cu e tarifa simbolico. E abogado a bisa cu e tarifa ey ta mas abao cu anterior tabatin negosha.
NEGOSHACION TA SIGUI
E promer negoshacion

a pega y ayera mainta durante tratamiento di e caso, e partidonan a trece nan punto di bista pa dilanti. Hues a bolbe intermedia y a bisa cu ta mihor e partidonan bolbe sinta na mesa.
Hues a fiha 2 siman pa e partidonan negosha y despues informa si a yega na un acuerdo. Si e biaha aki no yega na un acuerdo por spera cu Hues lo bay tuma un decision.

EMPLEADONAN DI LA CABANA BEACH RESORT & CASINO A CELEBRA LOGRONAN DI PROME KWARTAAL



La Cabana Beach Resort & Casino a host su prome meeting general di prome kwartaal cu nan

empleadonan, anto esaki tabata un celebracion fantastico di comienso te final. E evento a cuminsa

den e conference room, na unda cu General Manager Joe Najjar a comparti algun informacion valioso tocante e futuro di e resort. For di plan pa expande na ocean-front suites luhoso y hopi mas cu tin den tapara. Najjar a expresa su gratitud na tur empleado pa nan contribucion enorme pa haci e prome kwartaal di 2024 uno super exitoso, como tambe urgi tur hende pa sigui cu nan trabao ehemplar.

Durante e encuentro, HR Director Tessely Koolman a reconoce Gregorio Milton pa su nominacion di e AHATA Excellence Award. El a anuncia tambe algun noticia positivo for di e comision di Green & Health, incluyendo plan pa Health Week cu varios actividad. E anuncio cu La Cabana Beach Resort & Casino awor lo sigui e ehempel di varios marca renombra den hospitalidad,

acceptacion den loke ta tattoo, cabey largo, y cabey colorido, ta algun di ecosnan cu a ricibi un aprobacion cu entusiasmo, asina subrayando e resort su compromiso pa inclusividad y individualidad.

Loke a resalta tambe for di e encuentro tabata introduccion di HR rebranding, un iniciativa nobo cu yama 'We Celebrate YOU!' na unda cu e HR Team a presnta cu hopi pasion e esencia di e HR Rebranding y slogan. Enfatisando con e ta resona den e cultura di La Cabana. Strategianan pa amplifica e HR Branding y yega na un audiencia mas amplio a keda revela, asina iniciando mas emocion y anticipacion den tur esnan presente.

Despues di e presentacionnan, tur hende a bay over na e ballroom pa un celebracion yena cu actividad. Tabata tin

algun bebida di bon bini y hopi entretenimento. Un jingle hopi 'catchy' pa e HR Branding a keda presenta pa un di e empleadonan di e resort mes, Gareth Rosa, kende a compone e jingle aki pa su empleadonan acompaña pa un video dinamico cu ta muestra e cultura vibrante di La Cabana cu empleadonan contento bailando y pasando bon. Esnan presente a disfruta di experiencianan interactivo manera 360 photobooth y mensahenan di bos personalisa mientras cu DJ/MC Tyson a mantene e energia halto.

Mientras e evento a yega su final, tabata tin un sentido di gratitud y union den tur esnan cu a atende. La Cabana su prome encuentro p'e prome kwartaal di aña tabata no solamente riba negoshi, pero un oportunidad pa bini hunto y celebra logronan, cu un bista na un futuro briyante.

SECURITY BALENTE DI SUPERFOOD A SCAPA CHAUFFEUR DI WORDO AGREDI CU UN "BUTCHER'S KNIFE"



Dialuna madruga a drenta informe di cu un chauffeur cu tabata cambiando su flat tire a hera bira victima di agresion cu un "butcher's knife, mesora a dirigi un patruya na e sitio. Na yegada di e

patruya a bin compronde cu un chauffeur tabata cambiando un flat tire y diripient un otro auto ta para banda di dje y a baha cu un cuchiu basta grandi pa bay agredi e otro, mesora e securty a

drenta den accion y kita e agresor a core subi su auto y bay. Mientrastanto e chauffeur cu flat tire a caba di cambia su tire y tambe a bay. Polis a tuma datos di e autonan envolvi.



PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

A CLAUSURA E SIMAN CU ENFOKE RIBA TUR NURSE

HOH a celebra ‘Staff Appreciation Week 2024’ yena di briyo y color



Como gesto di profundo aprecio y admiracion, Horacio Oduber Hospital a celebra yena di color y briyo nan ‘Staff Appreciation Week 2024’. Si bo a bishita Hospital entre 6 te cu 13 di mei bo por a sinti alegria y mira hopi color na HOH, paso a transforma diferente parti di e edificio cu color y tambe dichonan positivo. Durante e siman aki a demostra e aprecio na cada un di e 1200 empleadonan di HOH cu ta contribui grandemente na e cuido y bienestar di tur pashent.

A habri e siman cu un breakfast al estilo festival unda colega por a pasa y disfruta di un desayuno suculento compaña pa delicioso poffertjes. Diamars e comision a parti un gesto di cariño pa tur cu ta traha na HOH. Tambe a organisa diferente charla cu enfoke riba motivacion cual coleganan por a inscribi pa participa durante dia duna pa profesionalnan riba tereno di emotional intelligence, leadership, mindset, self-care



balans y mas. Sesionnan sumamente fructifero cu sigur ta aporta na bo trabou pero tambe na bo bida personal.

Riba diaranson a organisa un tremendo ‘happy hour’ cu tabatin como tema ‘Good Vibes Only’ caminda tur colega a bini hunto pa baila y gosa. Diabierna a celebr’e den estilo di un rifa yama ‘Bright and Lucky’, caminda varios sponsor a duna diferente premio p’asina e esaki por a wordo parti bou di tur trahado. A reparti hopi premio y HOH ta hopi gradici paso esaki no lo tabata posibel sin e bunita gesto di nos comerciantenan.

Diasabra a enfoca riba Aruba su naturalesa y tambe salud unda coleganan a topa y bay cana mainta trempa den Parke Nacional Arikok.


Diadomingo tabata Dia di Mama pero tambe Dia Internacional di Enfermeria. Pa e motibo ey a scoge pa riba dialuna duna extra atencion na e curason di HOH, esta tur nurse cu ta brinda cuido y amor na nos pashentnan. A malcria nan cu un dushi masashi pa nan por a relaha y tambe a parti hopi premio bou di tur e nursenan.

“Di curason un danki na e comision cu ta consisti di colega di diferente departamento

cu a uni pa haci e ‘Staff Appreciation Week’ di HOH uno exitoso. Trabou di basta luna tras di lomba cu e solo meta pa demostra gratitud na nos coleganan cu ta traha 24/7 cu curason pa HOH y nos pashentnan. Y tambe danki na Hunta di Directiva pa e sosten y confiansa pa haci e siman aki uno exitoso yena di ambiente y color,’

Charlaine Huntington, Manager di departamento di Comunicatie & Marketing a termina.

‘Bringing Brightness to HOH’ tabata e meta di e siman pa 2024 cual siguramente a logra cu tur e actividadnan cu a organisa. Un siman yena di motivacion, color, alegria y sin laga afo ambiente di



| | | | | | | | | | | | |
|---|---|---|---|---|---|---|---|---|---|---|---|
| | | 1 | | 6 | | 2 | | A | 7 | | |
| 6 | 2 | | 5 | B | | | | 1 | | | |
| | 8 | | | | | C | 3 | B | | 6 | 2 |
| A | 9 | 7 | | 2 | | 6 | | | B | 5 | |
| | 5 | | | | | | | | 3 | 7 | C |
| 3 | B | | | | | | 7 | | | | 9 |
| 5 | 7 | B | | 4 | | | | | | | 1 |
| 8 | | | | | | | A | | 9 | | |
| | 4 | | | 9 | 7 | | | | 6 | | |
| | 1 | C | | | | | | | | | B |
| 4 | | | | | | | 2 | | C | | |
| | | | | 5 | C | | | 7 | 1 | 2 | 6 |

| | | | | | | | | | | | |
|---|---|---|---|---|---|---|---|---|---|---|--|
| | 3 | | | | | | | | | | |
| | 5 | 1 | 7 | 8 | | | | | | 9 | |
| | 6 | | | | | | | | 5 | | |
| | | | | 2 | | 4 | | 7 | | | |
| | | | 3 | | 5 | | | | | | |
| | | | | 7 | | | | 6 | | | |
| 4 | | | | | | | 3 | 1 | | | |
| | | 5 | | | 9 | | | | | 6 | |
| | | 7 | | | | | 2 | | | | |

Prome Minister Evelyn Wever-Croes

ENCUENTRO CU CUERPO CONSULAR Y MINISTERIO DI RELACION EXTERIOR DI HULANDA

Aruba ta un pais den cual tin mas di 100 nacionalidad ta biba y semper nos ta den harmonia cu otro



ORANJESTAD – Diamars 14 di mei, Prome Minister Evelyn Wever-Croes a reuni cu Cuerpo Consular di Aruba hunto cu representantenan di Ministerio di Relacion Exterior di Hulanda.

E encuentro aki a wordo organisa pa e Departamento di Relacion Exterior di Aruba y tambe a conta cu presencia di varios otro profesional di Aruba. E intencion ta pa hunto cu

Hulanda traha un manual protocolar pa asina tur e temanan cu e consulnan ta encontra a diario na momento di sirbi nan ciudadanonan, ta anca den un documento. Prome Minister ta splica cu esaki lo ta un documento bibo y por añadi mas informacion na caminda ora ta necesario.

“Mi a gradici e Cuerpo Consular pa nan presencia y pa traha hunto cu nos riba e manual aki. Tambe mi ta gradici nan pa e trabou cu nan ta haci pa e ciudadanonan cu nan ta representa kendenan



a bin Aruba y a haci di Aruba nan hogar y asina ta yuda nos desaroya nos economia.

Aruba ta un pais den cual tin mas di 100 nacionalidad

ta biba y semper nos ta den harmonia cu otro y nos lo sigui busca y desaroya mas amistad y colaboracion pa asina hunto nos hiba e pais aki padilanti”, Prome Minister a remarca.

DESPUES DI ALGUN DIA SIN MIR'E DAMA A BATI ALARMA, HOMBER ENFERMO DI 75 AÑA HAYA SIN BIDA DEN APARTAMENTO



Dialuna mainta un habitante di un complejo di apartamento despues di a tuma nota di casi un siman sin mir'e y e cantidad di musca den e area a bati alarma, mesora a dirigi patruya

na e sitio. Na yegada di e patruya a bin constata e situacion y a solicita presencia di bombero pa habri e porta. Na yegada di bombero mester a kibra e porta di baño pa drenta y eynan a haya e victima

sin bida y den estado di descomposicion. Na yegada di e dokter Texier a constata morto natural di e homber R.L.B. naci Aruba 16 di December 1948. Na su famianan nos ta extende nos mas



sincero palabranan di condolencia.

FORTALEZA PA FAMILIA

Scirbi pa Pastor Marcel Balootje.

TENE CURASHI Y CONFIANSA DEN DIOS, Y SIGI HACI BON



Dios ta splica bon cla den su palabra, pa nos no paga malo cu malo, tampo venga otro, y den tur cos nos mester pordona, manera Dios tambe a pordona nos.

Si nos no ta pordona, nos lo keda pega den tempo, cu stresss, depresion. Orguyo, arogancia, y amargura lo ta visibel den nos bida, mescos cu ora un auto tin flat tire.

Bo ta lese y ta manera un yoke, pero e palabra di

Dios ta fiel y berdadero, y si nos obedece Su palabra, nos lo avansa cu victoria den nos bida, pero si nos ta biba den desobediencia, nos lo cosecha fruta di desobediencia cual ta furia di Dios. (Colosensenan 3:5-10).

Dios kier pa nos tin curashi pa haci bon, pa for di nos boca sali palabra positivo, cu ta pone hende crece, cu ta duna hende balor, especialmente, si bo conoce un persona cu tabatin un bida negativo,

sea den droga, alcohol, inmoralidad, asina bo mira cambio den su bida, pasobra Cristo Hesus awor ta den su bida, no keda sin dune su compliment, y asina dune animo pa bay dilanti, y sigi sirbi Señor.

No ta ami a ordena bo? Sea fuerte y tene curashi! No tembla ni desmaya, pasobra Señor bo Dios, ta cu bo na unda cu bo bay. (Josue 1:9).

Spera riba Señor, sea

fuerte y E lo fortalese bo curason, si spera riba Señor. (Salmo 27:14).

Ma boso sea fuerte, y no perde curashi, pasobra tin recompensa pa boso trabao. (2 Corintionan 15:7).

Sea fuerte y fortalese boso curason, boso tur cu ta spera den Señor (Salmo 32:24).

Ma mes ora Hesus a papia cu nan bisando: Tene curashi, ta Ami, no tene miedo. (Mateo 14:27).

E palabra di Dios ta pa encurasha nos tur dia, pasobra maldad ta avansa tur dia, y nos mester ta firme den nos oracion, firme den lesamento di Su Palabra, mantene un bida firme den presencia di Dios,

Pica ta pone hende tambalia, haña miedo, gaña y sconde, tira culpa riba otro hende, pone hende bira cobarde te na un altura cu nan no kier carga responsabilidad, tampoco para pa e berdad.

E asunto aki no ta un wega dia pa dia nos ta mira con hende sabi cu bon conocimiento ta laga pica, mentira, y inmoralidad domina den nan bida pa falta di curashi pa reprende diabel, y nan ta acepta bida di mentira, mediocre, con cu ta pa falta di curashi.

Sea alerta, para firme den fe, actua manera homber, sea fuerte. Laga tur loke boso haci, wordo haci cu amor. (1 Corintionan 16:13).

Mayor boso mester tin curashi pa lanta boso yuinan, pasobra e manera cu bo mama y bo tata a lanta bo, no ta locual ta bay rond awor aki, awor aki como mayor bo wowo mester ta bon habri, pasobra maldad kier drenta di tur forma den nos hubentud, y usando e forma di mas fini y stiekum.

Tuma curashi y papia cu bo yuinan cara, cu cara, ningun mucha por wordo educa y coregi den ningun forma digital, via telefon of internet, como mayor bo mester atende cu bo yiu personalmente, pa e conoce bo amor y tambe bo coreccion.

Finalmente, sea fuerte den Señor y den e forsa di su poder. (Efesonan 6:10).

Pasobra Dios no a duna nos un spirito di temor, sino di poder, y di amor y di sano huicio. (2 Timoteo 1:7).

Laga nos haci locual ta bon den bista di Dios, y Dios mes lo duna nos curashi pa vence tur obstaculo den nos bida, pasobra curashi ta un bendicion di Dios.

Sinceramente Pastor Marcel Balootje.

HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jong.

Clasificados

SOLODIPUEBLO@GMAIL.COM
CEL. 585 9500

Partido MEP:

PARTIDO MEP TA FELICITA LIDER DI MEP CU SU 15 AÑA DEN POLITICA

Ban celebra hunto diabierna 31 di mei durante exposicion Recarga, Relaha y Inspira



15 aña pasa, na aña 2009, Lider di MEP Evelyn Wever Croes a cambia su carera di consehero fiscal y abogacia, pa politica. Den eleccion di e mesun aña, el a saca su mes, y a drenta Parlamento. Na aña 2011, momento cu sr. Nelson Oduber a tuma su retiro di politica, el a postula su mes pa eleccion di lider di partido MEP y a gana e eleccion, y asina Lider di MEP ta lidera e prestigioso partido MEP desde 2011 guiando un ekipo di candidatonan determina pa trece un cambio y haci un diferencia positivo den bida di tur ciudadano di Aruba.

E motivacion principal di Wever-Croes pa drenta politica ta e amor pa e pueblo di Aruba y su determinacion pa pone e ser humano central creando oportunidad pa tur ciudadano di Aruba sinti e prosperidad y bienestar cu Aruba por brinda tur.

Evelyn Wever-Croes a bira e prome lider di MEP femenino na 2011, e

prome Minister President Femenino di Aruba na aña 2017, e prome votegetter femenino di Aruba den eleccion 2021 y ta bay den historia pa su bon maneho durante e pandemia cu ta hibando Aruba den recuperacion.

Lider di MEP ta conta cu tur cos a cuminsa cu e vision di nos lider honorario Nel Oduber cu a pidi'e pa drenta den politica na aña 2009. Nel a fungi como lider pa 25 aña cual el a haci den un forma sublime, logrando ta 4 biaha Prome Minister di Aruba.

Na aña 2011, 28 di augustus, Evelyn Wever – Croes a asumi e reto pa lidera Partido MEP. Durante e periodo aki, tur miembro mester a custuma cu Nel no tey mas y tambe cu e estilo di liderazgo di e prome Lider di MEP femenino. Sinembargo, hunto cu tur miembro, sostenedor y candidatonan di MEP, a uni nos Partido mas y a logra haci MEP e Partido di mas grandi na Aruba.



Evelyn a pasa den 4 eleccion di cual 3 como lider di Partido.

For di 2009 te cu 2017, Evelyn Wever-Croes a sirbi pueblo di Aruba como Parlamentario. Despues di eleccion 2017, el a bira e prome Minister President femenino di Aruba. Den e prome periodo di Gobierno di MEP, a logra cosnan grandi pa Aruba gobernando den e pio reto cu nos pais a enfrenta. Ta p'esey tambe, MEP a gana eleccion y pueblo a expresa e gratitud den e votonan haciendo Premier Wever – Croes e prome votegetter femenino di Aruba.

En conexion cu su 15 aniversario como politico na Aruba, Lider di MEP ta organisa un exposicion di su arte, 'Relaha, Recarga y Inspira' durante un 'Wine and Cheese Event' na Cede di MEP diabierna 31 di mei for di 7or pa 10or di anochi. Partido MEP ta invita pueblo di Aruba



na e evento aki pa felicita Lider di MEP cu su 15 aña den politica mientras ta disfruta di e bunita arte cu ta refleha e momentonan cu Evelyn Wever-Croes ta relaha, recarga di su trabounan duro como Prome Minister y cu esaki tambe ta inspira tur ciudadano pa tuma tempo pa explora otro pasion, talento y interes, manera arte y creatividad.

Partido MEP ta felicita nos Lider, Evelyn Wever-Croes pa su 15 aña como Lider di nos Partido. Danki pa guia e Partido den gran forma cu vision y determinacion pa haci nos Partido fuerte y asumi responsabilidadnan pa goberna nos pais.

Bou liderazgo di nos Lider, MEP lo sigui cu e trabou duro y logra cosnan mas grandi ainda pa Aruba.